

Apel djece rođene u ratu u Srebrenici i Bosni i Hercegovini

Povodom 25. godišnjice genocida u Srebrenici (11. jula 1995.), djeca iz Srebrenice i Bosne i Hercegovine, koja su rođena u ratu, apeliraju na međunarodnu zajednicu i organe i institucije Ujedinjenih naroda da ih konačno saslušaju.

Srebrenica/Göttingen, juni 2020. godine

Apel djece rođene u ratu u Srebrenici i Bosni i Hercegovini

predsjedniku Generalne skupštine Ujedinjenih naroda **gosp. Tijjani Muhammadu Gangu**,
generalnom sekretaru Ujedinjenih naroda (UN) **António Guterresu**,
Vijeću sigurnosti UN-a, državama članicama UN-a i EU

Poštovani gospodine predsjedniče,
Poštovani generalni sekretare,
Poštovani,

molim vas da nas napokon saslušate! Mi, djeca Srebrenice rođena u ratu na prostorima bivše Jugoslavije, već 25 godina čekamo da nas konačno primijete svi oni koji su nam prouzročili neizmjerne patnje, ali i oni koji nisu spriječili taj rat. Morate nam pomoći da stvorimo bolji svijet. Nezalaganjem ste pridonijeli da se dogode užasni zločini s kojima smo se morali suočiti te ste odgovorni za posljedice koje moramo svakodnevno trpjeti. Sada se morate zdušno založiti za to da se počinitelji zaista i pozovu na odgovornost i da se uspostavi konačan mir. Molimo vas, vratite nam vjeru u to da je moguć miran i ravnopravan suživot svih naroda i vjera!

Govorimo i u ime djece iz drugih krajeva svijeta, u kojima je bjesnio ili upravo bjesni

rat. Brojna su djeca morala pobjeći iz svoga doma i sada, u mizernim uvjetima, žive u izbjegličkim kampovima. Žive u velikome strahu i suočavaju se s teškim egzistencijalnim strahovima svojih roditelja - ako su im još uvijek na životu. U izbjegličkim kampovima gotovo da nema nikakvog školskog programa, mnogi gladuju, smrzavaju se i ne dobivaju pomoć kad se razbole. Neki su sami na svijetu jer su im majke silovane u ratu. S tim je teško živjeti. Ta se djeca ne osjećaju dobrodošlima. Oni - mi - hitno trebamo pomoć!

Osvrnite se oko sebe! Posvuda su djeca najveće žrtve rata i protjerivanja. Stalno su suočena sa strahom od smrti! U bijegu je 50 milijuna djece, a hiljade umiru od neuhranjenosti, hladnoće i epidemija. Ako ikada prežive, odrastu i preuzmu kontrolu nad vlastitom sudbinom, naći će se pred ruševinama – ali pod uvjetom da rat bude završen. Zbog neprijateljstava odrasli ne nude ništa drugo osim neizvjesne i teške budućnosti, a nerijetko siju i mržnju među nama! To nas ispunjava velikim razočaranjem, a neke od nas i bijesom.

Klimatske promjene i pandemija Covid -19 sada prijete svoj djeci na svijetu. Ali, ona koja su bila ili su još uvijek žrtve rata i raseljavanja, upravo sada trebaju vas i vašu inicijativu. Unatoč svim patnjama koje su nam nanese ratom i raseljavanjem, želimo bolju budućnost, poput djece koja su zaštićena i odrasla u miru i blagostanju, i odlučni smo je aktivno i graditi. Želimo stvoriti bolji svijet za sebe i svoju djecu i zato vas molimo da preuzmete odgovornost za svoj neuspjeh u prošlosti i pomognete nam sada!

Molimo da se angažirate

- da se osnuje **Sud za zločine nad djecom i mladima**. Molimo da se pobrinete za to da se uspostavi **Vijeća mladih UN-a**; osim toga, nacionalne bi vlade trebale imenovati **pravobranitelja za dječja prava**.

- da se **Konvencija o pravima djeteta** poštuje svuda. Sva djeca imaju pravo na život bez straha i diskriminacije u pravednom i mirnom svijetu. **Ovo se odnosi i na djecu koja su rođena iz silovanja za vrijeme rata. Morate pružiti ovoj djeci posebnu podršku!**

- da se pomogne **izbjegloj djeci i djeci izbjeglica!** Dopustite im i pomozite da izađu iz nehumanih logora!

- dajte djeci i mladima **glas u politici, privredi, znanosti, obrazovanju i kulturi**, kako na lokalnoj tako i na međunarodnoj razini i podržite suradnju na principu jednakosti i međusobne solidarnosti.

Djeca rata

Ajna Jusić,

Emina Boračić und Nurdin Mustafić

Kontakt u Sarajevu, Bosna i Hercegovina: Društvo za ugrožene narode

Belma Zulčić ++ 387 33 213 707; ++ 387 61220883; E-Mail: gfbv_sa@bih.net.ba (engleski, njemački, bosanski)

Ajna Jusić, Udruženje "Zaboravljena djeca rata",

Sarajevo, 71000 Sarajevo Bosna i Hercegovina

Tel.: [00 387 62 549 374](tel:0038762549374), E-Mail zaboravljenadjecarata@outlook.com (Bosanski)

Kontakt u Njemačkoj: Društvo za ugrožene narode / Gesellschaft für bedrohte Völker (GfbV) / Society for Threatened Peoples (STP),
Göttingen, Njemačka

Kontakt: Jasna Čaušević ++ 49 0151 56086370, E-Mail: j.causevic@gfbv.de (engleski, njemački, bosanski)

Društvo za ugrožene narode (GfbV/STP) je međunarodna nevladina organizacija za ljudska prava koja se zalaže za prava naroda, nacionalnih manjina, etničkih i vjerskih skupina i indogenih (starosjedićkih) naroda. GfbV / STP službeno su priznali Ujedinjeni narodi.

Član je Ekonomskog i socijanog Vijeća UN-a. GfbV / STP također ima savjetodavni status u Vijeću Evrope.

<http://www.gfbv.de>

